



UKA 2024/24

21/11-2024

Anna Wangenheim

Siunnersuut uunga: Utoqqarnut tapersersuinissaq pillugu Inatsisartut inatsisaat

(Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoq)
(Siullermeerneqarnera)

Qujanaq Naalakkersuisunut uuminnga inatsisissatut siunnersuummik saqqummiussinerannut, innuttaasut utoqqaat tapersersorneqarnerisa pitsangorsarnissaannik siunertaqartumut. Eqqarsaat kusanaq, inatsisit katarsornissaannik kissaateqarnermi aammalu kommuninut ajornanngitsumik paasuminartumillu sullissisinnaanermut siunertaqartumut.

Ilaqutariinnermut- aamma Peqqissutsimut ataatsimiitaliaq Naalakkersuisumut pineqartumut ataatsimiigiarssimavoq, inatsisissatut siunnersuutip taassuma imarisaanut misissuataarneqarsimallutik. Nalunaaquttap akunneranik ataatsimik ataatsimiinneq sivisussusilerneqarsimavoq, naammangilluinnarsimallunilu apeqqutit akissutillu qulaajarnissaanut, taamaattumik maannakkut siunnersuut ataatsimiitaliami suliarineqaqqittussatut innersuutissallutigu oqaatigeriisagakku. Taamatut oqareerluta oqaaseqaatissaqarpugut arlalinnik ersarissunillu siunnersuutissaqarluta, isumarpuit politikkerpullu malillugu inatsimmik pitsangorsaataasinaasunik, nutaaliornertut oqaatigineqarsinnaasumut.

Demokraatit isiginnittaasaat malillugu inuaqatigiinnik kiffaanngissuseqartunik inuttullu akisussaassuseqarnermik oqimaaqatigiittumik pilersitserusuppuget. Taamaattumik nuannaarutigaarput, utoqqarnik paaqqinninneq ukkatarineqarmat, aammali uparuartariaqarparput, inatsisissatut siunnersuut maannakkutut isikkoqartilluni ajoraluartumik siammasissumik tunngaveqanngippallaarpooq. Utoqqarnut politikkimut ataatsimut isiginnissinnaaneq amigaataasoq aammalu peqqissutsimut inatsimmut pioreersumut akuutitsisimanani. Taamaaliorisimannginnerup malitsigeriaannaavaa, utoqqartatta – pingaartumik peqqinngitsut – aaqqissuussaantsinni ilungersunarluiinnaaqqissaartumik suliassaqarfinnut assigiinngitsunut uteqattaartinneqartuarnerat nanginneqassasoq. Socialliberalimik eqqarsartuulluni aaliangiisuuvooq, suliniut atasiakkaarlugit mattututullugilusooq isigiinnarnagit, siammasissumik utoqqarnut politikkimik pilersitsinissaq pisariaqartoq, innuttaasut immikkuullarissunik ataqatigiissunillu piariaqartitaannik matussusiissumik.

Isumaqpugut Naalakkersuisut inatsimmik ataqatigiissumik aaqqissuusseriarsimagaluartut, paasivarpuullu inatsisissatut siunnersuutip taassuma angunissaa ajornartikkaa.

Utoqqaat tapersersorneqarnerat oqaluuseritillugu eqqaamassavarput, utoqqaq tapersersorneqarnissamik pisariaqartitsisoq peqqissutsikkut immikkuullarissumik ajornartorsiuteqarsinnaasarmat, immikkoortillugit aaqqitassaannngitsumik. Inoqarpooq, arlalinnik ataatsikkut nappaateqakkajuttunik peqqinnissaqarfimmilu immikkoortortaqarfiiit akimorlugit sullinneqarnissaminnut pisariaqartitsisunik. Inatsisissatut siunnersuut ajoraluartumik naammanngitsumik peqqissutsimut inatsimmi aalajangersakkanik pioreersunik ilanngussaqarsimanngilaq, taamaakkamilu assigiissumik illuinnaasiortumillu ingerlatsinermik



pilersitseratarsinnaalluni, utoqqaat assigiinngitsunik pisariaqartitsisut annaaneqariataarsinnaallutik. Peqqissutsimut inatsimmut pioreersumut atassuserneqarnissaa amigaataalluinnarpoq.

Taamaattumik takorusupparput peqqinnissaqarfiup utoqqarnillu sullisisut suleqatigiinnerat **nakuunerusoq** aammal **pisussaaffeqarnerusoq**. Tamanna ataqtiginnerusumik politikkeqarnermik pisariaqartitsivoq, utoqqarnut tapersersuinerit immikkut suliniutitut isigineqaannaratik, peqqinnissaqarfiup tamarmiusup ilaautut isigineqartariaqarlutik. Utoqqaat ilaquaallu namminneq ingerlatassaminnek piffissami nalorninartorsiorfimmi, nammineerlutik paasiniaasussaanngillat. Inatsisiliortutut akisussaaffigaarput qulakkiissallugu, immikkoortut tamarmik suleqatigiinnissaat.

Taamaattumik saqqummiussimagaluarpunga upernaaq 2024-mi ataatsimiinitssinni imm. 96-mi siunertaasoq akimut suleqatigiittussanik suleqatigiinnik pilersitsisoqassasoq. Ajoraluartumik Naalakkersuisut amerlanerussuteqartullu siunnersuut taanna tapersersimangilaat. Ulloq manna tikillugu, isumaqartuarpuuga Naalakkersuisut killilimmik siumullu takorluuinngitsumik politikkimik ingerlatsisut, ataqtigisumik eqqarsarneq ajormata paassisutissanut, uffa ullumikkut ersarissumik takussutissaqalereersoq siunissami utoqqaat ikaliartornissaat eqqarsaatigalugu paaqqutarineqartussat amerlanerulertussaanerat. Taamanikkut Naalakkersuisut akissuteqarnerminni erseqqissarpaat, unammillernartoq tunngaviunerusumik aaqqinnejqassasoq, aammal suiat agguataarnerat oqartussat akornanni imatut ersarissarneqassaut, pitsaanerpaamik ataqtiginnerpaamillu innuttaasunut sullissinneq ingerlannejqassamat. Taamaattumik tupigaara, una inatsisissatut siunnersuut naatsorsuutigineqartunut nallersuussassaanngimmat. Taamaattumillu Naalakkersuisut isumaanut isumaqataanngilanga, oqarmata inatsisissatut una siunnersuutaasooq nutaaliornerusoq. Isornartorsiuiinnarnianngilagut, isummersorusuppugulli pitsanngorsaatissanik siunnersuuteqarluta, taamaattumillu siunnersuutit ersarissut pingasut saqqummiukkumavagut uunga inatsisissatut siunnersuummut pitsanngorsaatissatut isigisarput.

Siullertut inatsisissatut siunnersuutip imarisussaagaluarpaa suleqateqarnissamik piumasaqaatit ersarissut aammal utoqqarnik sullisisut peqqinnissaqarfiullu akornanni ataqtigissaarinermut piumasaqaatit ersarissuunissaat. Tamanna pisinnaavoq peqqissutsimut inatsit utoqqarnut inatsimmut ilaasunngortillugu. Ersarissumik taassuma kingunerisinhaavaa, akimortumik sulisoqarnerup eqqunnejqarnera, passussinermut pilersaarusiornernik utoqqaallu arlalinnik nappaateqarsinnaanerinut nakutiginnittussanik piffissaatillugulu isumassorsinnaasaminnik. Taakku inuttaqarsinnaapput ass. isumaginninnermut siunnersortinik, peqqissaasunik nakorsanillu. Eqqarsaatersuutigineqarsinnaavoq, angerlarsimaffinnut peqqissaasut orniguttartut kommunillu napparsimasunut isumaginninnera ataatsimoortinnissaat imaluunniit suiat agguataarnissaanut nukittunerulersillugu, paaqqinnejqassasoq passussinerullu ataqtiginnerat qulakteerniarlugu. Taamaaliornikkut arlallit suleqatigiinnerisigut nukittorsaataasinhaavoq pitsaanerpaaru anguneqarsinnaalluni, nukinnut naammaqqartunut pioreersunut iluaquataasumik. Isummerfigereerpummi, nuna tamakkerlugu immikkut ilisimasalinnik qitiusumiit isumassuisussanik pilersitsilluta qinersivimmi kingullermi, taamaattumillu annertunerusumik aaqqiissutissat tamakku tikkuarsinnaallugillu oqaasinngortissinnaallutigit.

Aappassaattut pinaveersaartitsilluni peqqissutsimut suliniutinut aalajangersakkat utoqqarnullu politikkimi suleqatigiinnissat akuutittariaqarput. Pinaveersaartitsilluni suliaqarnermut aningaasaliinikkut suleqatigiittoqarpallu tassanngaannartumik sakkortuumillu paaqqutarinninnissamut pisariaqartitsineq



annikillisarsinnaavarput, siunissami utoqqaat inuunerissaarnerulerneranik pilersitsisussaq aammalu tassunga ilutigalugu pingaartumik peqqinnissaqarfik oqilisassallugu. Inatsisissatut siunnersummi imarisaaanut tigulaarinnaangaa:

"Utoqqaat inuttut nammineertutut inuunerminnik attassiinnarsinnaanerat aamma pitsaasumik ataaqqinartumillu utoqqalinissaasa qulakkeerneqarnissaat pingaartinneqarpoq. Tamanna, nammineq angerlarsimaffimi sivisunerpaamik najugaqaannarnissamik, inuiaqatigiinni inooqataanerup attatiinnarsinnaanissaannut tapersorsorneqarnissamik, piginnaasamik qaffasisusaasa attatiinnarnissanut sungiusarnissamik, aamma neqerooruteqarneq pillugu toqqaanissamut atuinnginnissamullu atatillugu nammineq aalajangiisinnanissamik ilaqpaoq."¹

Atagu takorluulaartigu, Kangaatsiamiippugunngooq. Kangaatsiaq nakorsaqarfiunngilaq, peqqissaasoqarpoq ataatsimik, sulisullu ilinniarsimassusaat aamma assigiingitsuullutik. Aasianniillu avinngarusimalluni, taamaalilluni inunniq isumaginninnikkut kommunalbestyrelsip suliassaa Aasianniit suliarisarlugit. Utoqqaq napparsimasoq, ataaqqinartumik piginnaasaqarluarlunilu inuunissaminik kissaateqarpat aammalu nappaatimi ajorseriarnissaa pinaveersaartinniarlugu angerlarsimaffimmineerusuppat; taava kiap akisussaaffigissavaa sungiusarnissani ingerlanneqarnissaa, piginnaasat nukiillu killillit oqartussallu ataasiakkaat akisussaajumanatik, imaluunniit allanut akisussaaffik ingerlateqattaarpassuk?

Taanna assersuutigaara, tamanna pillugu Kangaatsiami innuttaasumit saaffigineqarsimagama. Tamanna ajorpoq, oqartussat suliassasa ersarissarsimannginneri, aammalu peqqissutsimut inatsisip taakkununnga tunngatillugu ilanngunneqarsimannginnera. Taamaattumik isumaqarpunga, inatsisinut paasinnittariaatsip kingunerisariaqaraa pisussaaffeqartumik akimullu suleqatigiinnermik isumaqatigiissusiornissaq ataaqqinartumik inuunissap piviusunngortinnissaa qulakkeerniarlugu aammalu nappaatit pinaveersaartinniarlugin, innuttaasup nammineerluni aaliangersinnaassuseqarnermini aamma pingaartitarimmagu.

Pingajussaatut atuisut akuunerulersinnissaat suliniutigisariaqarparput, aalajangeeqataasinnaanerup annertusarnissaa aammalu piffinni innuttaasut ilaquaasullu akuutinnissaat. Inatsisissatut siunnersuutip nunaqqatigiit namminnerlu kajumissutsiminnik suliaqartut suleqatigiinnerat nukittorsartariaqarpaa, utoqqarpassuit ulluinnarminni isumalluutigisartagaat. Attaveqarfiit akuutinnerisigut soorlu namminneq kajumissutsiminnik kattuffiit suliaqartut, qanigisaasut aammalu nunaqqataasut akuunerisigut pilersitsisinnavugut siamasinnerusumik inuppalaarnerusumillu utoqqarnik sullissinermik. Suleriarnissat, nammineq kajumissutsimik ingerlanneqartut annertusinissaannut iliuuserineqartariaqartut. Soorlu assersuutigalugu atuisut akuutinnerulernissaannut pisortatigut iliuusissanik pilersitsinkut, ataasiakkaat namminneerlutik isummernissaannut nukittorsaasussatut.

Naggataatigut erseqqissarusuppara, uagut socialliberaalitut partiitut pitsaanelerusumik utoqqaat paaqqineqarnissaannik pisariaqartitsineq upperigatsigu, aammali kissaatigaarput politikkikkut aarlerisaarerusukkatta, utoqqarnik inuttut iluitsutut aammalu arlaqartunik pisariaqartitsisunik

¹ pkt24.em2024.stoettetilaeldre.bem.da.pdf side 2.



isiginninngitsumut. Utoqqarnut politikki kiffaanngissuseq akisussaaffeqartumittaqa tunngavilik aallaaviussaaq – kiffaanngissuseqarneq pitsaanerpaamik paaqqineqarnissamik tapersorsorneqarnissamillu ataqqinartumik inuunissamut, qanorluunniit assigiinngitsunik peqqissutsikkut ajornartorsiuteqaraluaraanni. Utoqqartagut allaffisornerujussuarmi puigortissanngilagut ilaannakrtumik ikiugassanngorlugit. Inatsisissatut siunnersuutip nukittorsarneratigut peqqissutsimut inatsimmut ilanggussilluta, pinaveersaartitsinerup ukkatarineqarnerunera aammalu atuisut annertunermik akuutinneqarnerisigut, attanneqarsinnaasumik ataqqinartumillu nunatsinni utoqqaat paaqqutarisinnaavagut.

Tassungalu ilutigalugu akerlilersunngitsoorsinnaanngilarputtaaq, kommunit pisussaaffilorsorneqaqqimmata uuma inatsisip allanngortinneratigut, maluginiagassaavorlu kommunit maannakkut aningaasatigut sulisoqarniarnikkullu amigaateqarmata. Taamaattumik uuma inatsisip piviusunngortinneqarnissaani aningaasatigut sinaakkutaasussat isummerfigisariaqassavagut. Teknikkikkut misissuataarnerani apeqquteqaatigaara taanna isumakuluutigisara. Tassunga akissutigineqarpoq, piffissaqarluarlutik siullermeerneqarnerata aappassaaneerneqarneratalu akornanni kommuninut isummersoqatigeeqqinnissamut taanna pillugu. Tamanna isumakulunnarpoq tassami aalajangiisartutut uagut ersarissumik ilisimannginnatsigu, kommunit suut naatsorsuutigissaneraat siunnersuutip uuma piviusunngortinneratigut?

Taamatut oqaaseqarluta inatsisissatut siunnersuutip pitsanngorsarneqarnissaanut suleqatigiinnissaq qilanaaraarput, taamaasiornitsigut utoqqarnut inatsimmit pilersitsissagatta, utoqqat soqutigisai aallavigilluinnarlugit. Neriutterput unaavoq, Naalakkersuisut suleqatigiiliissasut namminneq oqartussaaffiinnartik pinnagit aammalu partii qalipaataat aallaavigneqassanngitsoq.

Siunnersuut llaqtariinnermut- aamma Peqqissutsimut ataatsimiititaliami suliareqqinnejartussatut innersuussutigineqarpoq uani ilanggussatsinni isummersuutitta inatsisissami ilanggunneqarnissaat siunertaralugu.